

# Powšitkowne WOZJEWJENJA

njedźelu, 19. junija 2016

## Klášterski swjedzeń

Z Božej mšu, kotruž změje Chróšćanski farar Měrcin Deleńk, zahaji so klášterski swjedzeń tutu njedźelu, 19. junija, w 10.30 hodž. w cyrkwi kláštra Marijineje hwězdy w Pančicach-Kukowje. Po kemšach wočakuje wopytowarjow pisany program. Mjez druhim zahraje młody serbski cyrkwinski hudźbnik Feliks Brojer z Budyšina w 13.15 hodž. w cyrkwi na piščelach. Tež Towarstwo Cyrila a Metoda z.t. změje na klášterskim swjedženju swójske stejnišćo. Z ekumeniskim nyšporom w 17.30 hodž. so swjedzeń zakónči.

## „Magiske symbole abo jenož wozdoba?“

Pod titlom „Magiske symbole abo jenož wozdoba?“ přednošuje wědomostna sobudželačerka Serbskeho muzeja Andrea Pawlikowa wutoru, 21. junija, w 19.00 hodž. w Budyškim Serbskim muzeju wo starych ornamentach w ludowym wumělstwje. K tomu su wšitcy w zwisku z wustajeńcu „Pruhi, kruhi, třiróžki. Pisane serbske jutrowne jejka.“ přeprošeni.

## Zetkanje Częstochofskich putnikow

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zajimcy njech so hač do njedźele, 3. julija, pola fararja Bena Jakubaša w Radworju přizjewja, telefonowe čisło (0 3 59 35) 2 07 13. Zetkanje wšitkich putnikow budže pónđzelu, 4. julija, po Božej mši w Radworju na farje. Wječorne kemše w 19 hodž.

## Atraktiwne džěło w Domje swjateho Jana

Při nowym poskitku spěchowanja duchownje zbrašenych pyta Dom swjateho Jana w Smječkecach fachowe mocy předewšem z kwalifikaciju ergoterapeuta, hladarja a kublarja w hojerni (Heilerziehungspfleger) a podobne. Džělowe městna maja so lětsa w awgusće a septembrje wobsadzić. Džělowy čas je mjez 8.00 a 17.00 hodž. Swoje pisomne požadanje njech pósćelu zajimowani na: CSW – Křesćansko-socialny skutk, Janska kupjel 1, 01920 Smječkecy.

## Kolesujo putnikować

K putniskemu tyždenjej na kole přeprošuje Smochčanski Dom biskopa Bena wot 7. do 14. awgusta. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Zajimcy měli so w Smochćicach pod telefonowym čislom (03 59 35) 2 23 15 přizjewić.

## Wulět seniorow SŠT

Dlěšodobnišeho planowanja dla zdžělomy hižo termin wulěta seniorow Serbskeho šulskeho towarstwa z.t. (SŠT), kotryž budže wutoru, 20. septembra. Podamy so do Zieloneje Góry a tamnišeje wokolinje. W měsće a we wokolinje wobdžělnikow mnohe pozbudzace začišće wočakuja.

Měrcin Krawc